

# U fiume discitatu

À l'ombra di a custerà  
Fiume Golu si lamenta  
Fiume Golu insunnulitu  
Chì ogni tantu si ramenta

Un orchestra di fucili  
Discitatu l'hà di novu  
Chì a polvera ragiona  
Da Niolu a Ponte Novu

Penetrendu e vallate  
Quandu l'ecu si sbucina  
Trimà face i monti sacri  
Quelli di Santa Regina

Prima face e verde ripe  
Di Rustinu è Riscamone  
È lu fiume fala in mare  
Tasanendu ogni pentone

Chere or'chì lotte tremende  
Scempieranu à Cursichella  
Serà l'ultima angunia  
O serà l'alba nuvella

Cirnu i to palatini  
O sò tombi o sò impiccati  
Ma per fà stu finimundu  
Soca sò rissuscitati

Cusì parla Fiume Golu  
Ch'ùn s'hè datu mai ragione  
È c'ùn alza ormai a voce  
C'à per fà st'implurazione

*Parolle : Anton'Francescu Filippini*

*Musica : Stéphane Ancey*